

國子監志

國子監志卷二十六

禮志二

遣官釋奠事例

國朝崇德元年。

太宗文皇帝遣官致奠

先師五年定每年二月八月上丁日行釋奠禮。

太宗文皇帝御製釋奠

先師孔子文

惟

至聖德配

天

地道貫古今。刑述六經。垂憲萬世。昭宣文治。歷代尊崇。謹以楮帛牲醴庶品之儀式。陳明薦奠。敬享焉。

謹案我

朝未入闕之前。

太宗文皇帝首崇儒術。

親釋奠。

先師孔子。

御製此文。迄今

聖廟春秋二祭祝文。尚遵用四語。爰恭錄篇首。以見先

後聖心源之合云。

順治二年。定春秋丁祭。

遣大學士一人行禮。翰林官二員分獻。國子監監丞  
博士。分獻兩廡。祭酒祀

啓聖公於後殿。均以先賢先儒配饗從祀。遇有他事。  
改次丁。或下丁日。

國子監志

卷二十六

禮志一

國子監志

二

謹案定制釋奠

先師孔子為中祀。序在歷代帝王之次。

遣官事宜。初由禮部題請。後歸太常寺。遇有他事。如乾隆十二年仲秋上丁。值

太宗文皇帝忌辰。改用次丁是也。

四年定致祭

先師孔子。遣滿官贊禮。祝詞兼用滿文。

康熙二十三年。祭酒王士禎等請定

先師祀典。樂舞籩豆。酌用成化宏治年間儀制。

詔從之。

二十五年。令春秋釋奠武官二品以上。並入陪祭。

二十六年。令春秋釋奠國子監用邊十豆十舞用六佾。

康熙四十九年。總兵馬見伯奏致祭

文廟時。武臣請照文臣一體行禮。

諭大學士等。嗣後祭

先師孔子時。令武臣與文臣一體行禮。於理甚合。著

照馬見伯所請行。

雍正十一年。增釋奠上香儀。

乾隆元年。令祭

文廟前一日陳設。飭太常寺如羣廟儀治之。祭畢。交國子監分胙。

謹案釋奠祭品。向由太常寺移交國子監官。前期一日陳設。至是禮部以不與羣廟之例。畫一議交太常寺官陳設如儀。

十一年。增

崇聖祠配位分獻官二員。其陳設四案。增帛二爵。  
六。

謹案向例配位奠獻俱承祭官行禮。孔氏孟氏  
二位前無帛。止獻爵。至是更定。

十八年。禮部奏言兩廡位次。皆東西嚮。先賢先  
儒南北分列。向於中間空處設案。分獻官各一  
人奠獻。於禮未協。應請兩廡各用分獻官二人。  
增香帛一案。就位行禮。以嚴昭格。至十二哲。兩  
廡向皆於各位前。豫奠一爵。其分獻官行三獻。



禮則統奠三爵於香案以太常寺執事人不充數故也嗣後丁祭十二哲兩廡三獻請均令肄業諸生奉爵令東西分獻翰林官各奠三爵兩廡分獻國子監官各統奠三爵

詔從之。

又會典館奏言兩序兩廡以國子生執事而殿內正位配位及

崇聖祠殿廡仍用樂舞生撥諸典禮實有未協請

嗣後

遣官釋奠。司香。司帛。司爵。

大成殿正位配位。用國子官。兩序。兩廡。暨

崇聖祠殿廡。均以國子生充。賜福胙。受福胙。各用國子生二人。

詔從之。

三十二年。

諭內閣。戴第元奏請增

至聖誕辰祭祀一摺。殊非正理。誕辰之說。出於二氏。為經傳所不載。國家尊

師重道。備極優崇。釋奠二丁。自有常制。援據禮經。實不同於尋常廟祀。且昔人於

孔子生日。辨論紛如。尤難臆定。况

孔子儒者之宗也。尊

孔子者。當即以儒者所聞

孔子之道。尊之。戴第元乃欲於彝典之外。輕增一祭。轉為褻越。而不足以昭隆禮。士不通經。所奏宜擯。摺發還。

五十二年。

諭內閣。太常寺堂官參奏劉墉遣祭

文廟。未行一揖一擗。從前朕為皇子時。曾經致祭。

文廟。記所行儀注。竝無一揖之禮。今禮部所用儀注。仍有此一揖。自係相沿。未經改定。劉墉於祭祀時。以一揖之禮不可行。未經照例行禮。該堂官固應據實參奏。但此一揖之禮。俱在上香獻爵飲福受胙之後。本係小節。劉墉未經遵行。尚非大過。姑免交部。但劉墉之意。既以為斷不可行。自應奏明更改。乃竝未陳奏。而於向用儀注。率任臆改。此則非是。至相沿一揖。

之禮。本不可行。嗣後著於儀注內改正。以昭誠敬。

嘉慶七年。禮部奏八月十九日祭

先師孔子。改於初九日致祭。得

諭依議。嗣後大祀中祀。如適遇忌辰。當以祀典為重。不必改移祭祀日期。用昭虔肅。

○釋奠儀注

正祭日五鼓。各赴廟齊集。分獻陪祀各官。由鴻臚寺官引至兩旁門排班立。承祭官由左旁門入於階下行禮。太常寺贊引官對引官導承祭

官至盥洗處。贊引官贊盥洗。承祭官盥洗畢。引至階下立。陪祀各官由鴻臚寺官引至行禮處立。典儀官唱樂舞生就位。執事官各司其事。陪祀分獻官各就位。大舞生執羽籥引進贊引官贊就位。承祭官就拜位立。分獻陪祀各官亦隨後立。典儀官唱迎神。司香官各奉香盤進。協律郎唱迎神樂。奏昭平之章。樂作。贊引官贊就上香位。司香官各就案旁立。贊引官導承祭官由東階上。進殿左門。贊詣。

至聖先師孔子位前。承祭官至香案前立。贊引官贊  
跪。承祭官跪。行一叩禮。興。不贊。司香官跪進香。贊  
引官贊上香。承祭官立上炷香。三上瓣香畢。復  
一跪。一叩。興。不贊。贊引官贊詣復聖顏子位前。跪  
叩。上香。如正位儀。次贊詣宗聖曾子位前。次贊  
詣述聖子思子位前。次贊詣亞聖孟子位前。跪  
叩。上香。均如前儀。其十二哲分獻官。俟承祭官  
詣亞聖案時。引至哲位前。跪叩。上香。如承祭官  
儀。贊引官贊旋位。引承祭官分獻官出。復位立。

兩廡分獻官如十二哲分獻官儀。齊至各位前。上香畢。復位立。贊跪叩興。承祭分獻陪祀各官俱行三跪九叩禮。興樂止。典儀唱奠帛爵。行初獻禮。司帛官奉篚。司爵官奉爵。進協律郎唱初獻。樂奏宣平之章。樂作。贊引官贊就奠獻位。司帛爵各就案旁立。贊引官導承祭官由東階上。進殿左門。贊詣

至聖先師孔子位前。承祭官至案前立。贊引官贊跪。承祭官跪。行一叩禮。興不贊。贊引官贊奠帛。司帛



官奉帛跪進。承祭官受帛拱舉立獻畢。贊引官贊獻爵。司爵官奉爵跪進。承祭官受爵拱舉立獻奠於正中。行一跪一叩禮。興。贊引官贊赴讀祝位。引承祭官就讀祝位立。讀祝官至祝案前。一跪三叩。捧祝版立於案左。樂止。贊引官贊跪承祭官讀祝官分獻官陪祀官俱跪。贊引官贊讀祝。讀祝官讀畢。捧祝版至正位帛案前。跪安帛篚內。三叩退。樂作。贊引官贊跪叩興。承祭分獻陪祀官俱行三叩禮。興。贊引官贊詣復聖

顏子位前。奠帛獻爵如正位儀。次贊詣宗聖會  
子位前。次贊詣述聖子思子位前。次贊詣亞聖  
孟子位前。奠帛獻爵均如前儀。其十二哲分獻  
官。竢承祭官詣亞聖位時。引至哲位前。奠帛獻  
爵。如承祭官儀。贊引官贊旋位。引承祭官分獻  
官出。復位立。兩廡分獻官。如十二哲分獻官儀。  
齊至各位前。奠帛獻爵畢。復位立。樂止。典儀唱  
行亞獻禮。司爵官奉爵進。協律郎唱亞獻。樂奏  
秩平之章。樂作。贊引官贊就獻爵位。司爵各就

案旁立贊引官引承祭官由東階上進殿左門贊詣

至聖先師孔子位前承祭官至案前立贊引官贊跪

承祭官跪行一叩禮興不贊贊引官贊獻爵司爵

官奉爵跪進承祭官受爵拱舉立獻奠於左一

跪一叩興不贊贊引官贊詣復聖顏子位前跪叩

獻爵如正位儀次贊詣宗聖曾子位前次贊詣

述聖子思子位前次贊詣亞聖孟子位前跪叩

獻爵均如前儀其十二哲分獻官蒞承祭官詣

亞聖位時。引至哲位前。跪叩。獻爵。如承祭官儀。贊引官贊旋位。引承祭官分獻官出。復位立。兩廡分獻官。如十二哲分獻官。齊至各位前。跪叩。獻爵畢。復位立。樂止。典儀唱行終獻禮。司爵官奉爵進。協律郎唱終獻。樂奏敘平之章。樂作。贊引官贊就獻爵位。司爵各就案旁立。承祭官及分獻官跪叩。獻爵俱如亞獻儀。爵奠於右。贊引官贊旋位。承祭官分獻官各復位立。儀如亞獻。樂止。文舞生行一跪一叩禮。立。執旌節引退於

兩旁立。典儀唱賜福胙。贊引官贊詣受福胙位。引承祭官至殿內立。捧福胙二生。捧至正位案前拱舉。至受福胙位右旁跪。接福胙二生。左旁跪。贊引官贊跪。承祭官跪。贊引官贊飲福酒。承祭官受爵拱舉。授接福生。接福生退。贊引官贊受胙。承祭官受胙拱舉。授接胙生。接胙生退。贊引官贊叩興。承祭官三叩興。贊引官贊旋位。引承祭官復位立。行謝福胙禮。贊引官贊跪叩興。承祭分獻陪祀各官。俱行三跪九叩禮。興。典儀

官唱徹饌。協律郎唱徹饌。樂奏懿平之章。樂作。  
徹訖。樂止。典儀唱送神。協律郎唱送神。樂奏德  
平之章。樂作。贊引官贊跪。叩興。承祭分獻陪祀  
各官。俱行三跪九叩禮。興。樂止。典儀官唱捧祝  
帛。饌香恭送燎位。司祝官司帛官生至各位前。  
一跪三叩捧起。祝在前。帛次之。捧饌香官生跪。  
不捧起。在後。俱由殿中門中道出。以次送至燎  
位。承祭官退至西旁立。候祝帛饌香過。仍復位  
立。數帛官數帛。典儀官唱望燎。樂作。贊引官贊

詣望燎位。導承祭官至望燎位。祝帛焚半。贊引  
官贊禮畢。各退。

謹案雍正十年以前釋奠儀注無上香禮。餘同  
今儀。

崇聖祠釋奠儀注

祭日。贊引官對引官引承祭官入後殿左門。分  
獻官隨入。至盥洗處。贊引官贊盥洗。承祭官盥  
洗畢。引詣殿階下正中。分獻官以次序立于後。

均北面。典儀唱執事官生各司其事。贊引官贊就位。承祭官就位立。分獻官隨後立。典儀唱迎神。司香各奉香盤進。贊引官贊就上香位。引承祭官升東階。由殿左門入。贊詣

肇聖王香案前。承祭官至案前立。贊引官贊跪。叩興。承祭官行一跪一叩禮。興。贊引官贊上香。司香跪進香。承祭官之上炷香。三上辦香。畢。復一跪。一叩。興。贊不贊贊引官贊詣

裕聖王香案前。次贊詣



詔聖王香案前次贊詣

昌聖王香案前次贊詣

啓聖王香案前跪叩上香均如前儀畢贊復位引承  
祭官出復位四配兩廡分獻官各詣香案前上  
香如儀皆復位贊引官贊跪叩興承祭官分獻  
官皆行三跪九叩禮興典儀唱奠帛爵行初獻  
禮司帛爵生各奉篚執爵進贊引官贊就奠獻  
位引承祭官入殿左門贊詣

肇聖王位前承祭官就位前立贊跪叩興承祭官行

一跪一叩禮。興贊奠帛。司帛跪進帛。承祭官受帛拱舉立獻。贊獻爵。司爵跪進爵。承祭官受爵拱舉立獻。奠于正中。復一跪一叩興。贊不贊引官贊詣

裕聖王位前。次詣

詒聖王位前。次詣

昌聖王位前。次詣

啓聖王位前。跪叩奠獻。各如前儀。畢。贊詣讀祝位。引承祭官就讀祝位立。讀祝官至祝案前一跪三

叩捧祝版立于案左。贊引官贊跪。承祭官讀祝。官分獻官俱跪。贊引官贊讀祝。讀祝官讀畢。捧祝版至正位案前跪。安帛篚內。三叩退。贊引官贊跪。叩興承祭分獻官行三叩禮。興贊復位。引承祭官出。復位。四配兩廡分獻官各詣神位前奠帛獻爵如儀。皆復位。典儀唱行亞獻禮。司爵各奉爵進。贊引官贊就獻爵位。引承祭官入殿左門。贊詣

肇聖王位前。承祭官至位前立。贊跪。叩興承祭官行

一跪一叩禮。興。贊獻爵。司爵跪進爵。承祭官受爵拱舉。奠于左。復一跪一叩。興。不贊贊引官贊詣裕聖王位前。次詣

詒聖王位前。次詣

昌聖王位前。次詣

啓聖王位前。跪叩獻爵。俱如前儀。畢贊復位。引承祭官出。復位。四配兩廡分獻官。各詣神位前。跪叩獻爵。如儀。皆復位。典儀唱行終獻禮。贊引官引承祭官。分獻官升堂就位。跪叩獻爵。如亞獻儀。

爵奠于右。贊復位。承祭官分獻。官各復位。立典儀唱徹饌。唱送神。贊引官贊跪。叩興。承祭官分獻官俱行三跪九叩禮。畢。興。典儀唱捧祝帛饌香。各恭詣燎位。捧祝帛者。至位前一跪三叩。捧饌香者。跪不叩。俱捧起。依次由中門中道。送至燎位。承祭官退。至西旁立。竢祝帛饌香過。復位。典儀官唱望燎。贊引官贊詣望燎位。引承祭官至望燎位。祝帛焚半。贊引官贊禮畢。退。

○丁祭土地祠儀注

祭日。以助教一人行禮。就位。上香。獻爵。一跪。三叩。退。

○釋奠國子監執事官生儀節

是日五鼓。執事官生咸集。正殿司香司帛司爵司福司胙各執事官生。在東者由殿左門入。立于東酒罇案之北。在西者由殿右門入。立于西酒罇案之北。典儀唱執事官生各司其事。司香官生各手奉香盤。在東者西面。在西者東面。俱恭跪。典儀唱迎神。在東者西行。正位司香在前。次東配。次東哲。

在西者東行。

西配司香在前次西哲。

正位司香官至正中

之東駐足。轉北而進二步。止。配哲各司香官生。

俱駐足北面。東西配首位司香官各進一步。止。

餘不進。恭蒞贊就上香位。正位司香官北行。至

香案前右旁北而立。東配東哲司香官生均北

行。至位前之南折而東。在香案前左旁東面立。

西配西哲司香官生均北行。至位前之南折而

西。在香案前右旁西面立。承祭官入殿左門。正

位司香官轉東面跪。承祭官至案前。司香官進

香退。

立東酒罇案之北。恭。跪。在  
西者立西酒罇案之北。

配位。哲位。司香。

官生俱竝承祭官分獻。官至案前。轉北面跪。餘如正位儀。承祭官復位。行禮畢。司帛官生各奉篚。司爵官生各奉爵。東西面恭竝。如司香儀。典儀唱奠帛爵。行初獻禮。司帛官生。司爵官生。各東西行。正位司帛官至正中之東。駐足。轉北面。進四步。止。司爵官隨之。轉北面。進二步。止。配位。哲位。司帛爵官生俱駐足北面。東西配首位。司帛官各進三步。止。司爵官隨之。進二步。止。東西



配次位司帛官及兩哲司帛生各進一步止。司爵官生隨之。不進步。恭蒞贊就奠獻位。正位司帛官北行。至案前左旁。北面立。司爵官行至案後左旁。北面立。配位哲位司帛爵官生均北行。折而東西。司帛官生在案前立。司爵官生在案後立。承祭官入殿左門。正位司帛官轉西面跪。承祭官至案前。司帛官進帛退。司爵官轉西面跪。承祭官至案後。司爵官進爵退。配位哲位司帛爵官生俱如正位儀。承祭官復位。司爵官生

各奉爵東西面恭竝如初獻儀。典儀唱行亞獻禮。司爵官生各東西行。正位司爵官至正中之東。駐足轉北面。進二步止。配位哲位司爵官生俱駐足北面。東西配首位司爵官各進一步止。餘不進。恭竝贊就獻爵位。正位司爵官北行。至案後。左旁北面立。配哲各司爵官生均北行。折而東西。立于案後。承祭官入殿左門。正位司爵官轉西面跪。承祭官至案後。司爵官進爵退。配位哲位司爵官生俱如初獻儀。承祭官復位。司

爵官各奉爵東西面恭蒞如亞獻儀典儀唱行  
終獻禮司爵官生各東西行正位司爵官至正  
中之西駐足轉北面進二步止配位哲位司爵  
官生如亞獻儀恭蒞贊就獻爵位正位司爵官  
北行至案後右旁北面立配哲各司爵官生如  
亞獻儀承祭官入殿左門正位司爵官轉東面  
跪承祭官至案後司爵官進爵退配位哲位司  
爵官生俱如亞獻儀承祭官復位典儀唱賜福  
胙承祭官入殿左門至殿中門內北面立奉福

生奉福。奉胙生奉胙。自東酒罇案之北。奉至正位案前拱舉。至受福胙位。右旁跪。接福生。接胙生。自西酒罇案之北。至受福胙位。左旁跪。承祭官受福。授接福生。接福生退。受胙。授接胙生。接胙生退。承祭官復位。典儀唱徹饌。唱送神。承祭官行禮畢。典儀唱奉祝帛饌香。恭送燎位。司祝官生。司帛官生。至各位前一跪一叩。奉起。司爵官生。詣各饌案。司香官生。詣各香案前。俱跪。奉起。祝在前。次帛。次饌。次香。由中門中道出。正位

在前。次東配第一位。次西配第一位。次東配第  
二位。次西配第二位。次東哲。次西哲。兩廡執事  
俱會燎所。  
執事儀畢。各退。

○釋奠執事員數

先師孔子位前司香帛爵官各一員。配位四案。每案  
司香帛爵官各一員。十二哲二總案。司香帛爵  
生。案各一名。司罇生四名。奉福生一名。接福生  
一名。奉胙生一名。接胙生一名。東廡先賢先儒  
二總案。司香帛爵生。案各一名。司罇生二名。西

廡先賢先儒二總案。司香帛爵生案各一名。司  
爵生二名。

崇聖祠正位五案。司香帛爵生案各一名。四配位  
四案。司香帛爵生案各一名。東廡一總案。司香  
帛爵生各一名。西廡一案。司香帛爵生各一名。  
以上竝具清冊。送太常寺。

先師廟分獻官。東廡二員。西廡二員。

崇聖祠分獻官。東配一員。西配一員。東廡一員。西  
廡一員。土地祠正獻官一員。

大成殿侍班二員。陳設二員。東西廡陳設各一員。

東西角門各一員。持敬門二員。

大成門二員。致齋所二員。

崇聖祠侍班二員。陳設一員。東西廡陳設二員。大

門二員。外門二員。

崇聖祠司罇生四名。土地祠司香爵生二名。司壺

一名。俱係自行揀派。無庸咨送太常寺。

謹案現行則例。兩廡分獻及後殿分獻。俱無監

丞。以在

崇聖祠侍班故也。

○承辦丁祭事宜

先期准太常寺知照演禮日期。執事官生齊赴天壇凝禧殿。國子監堂官一員。會同太常寺堂官。監視演習禮節。移都察院鴻臚寺。各派員於祀前一日。監視宰牲。祭日。都察院派員監禮。鴻臚寺派員導引陪祀各官。移大興宛平二縣。取宰牲屠戶。移兵部轉行提督衙門。派委步軍校。率領步兵。在集賢門外。攔阻車馬。驅逐閒人。祭畢分胙。



欽遣承祭官分獻官及監宰官監禮御史禮部由國  
子監派役分送其餘大小各衙門由典簿廳印

給小票自行派役赴監祇領

以上典簿承辦

國子監志卷二十七

禮志三

釋奠

附

元

大德十年八月丁巳京師

文宣王廟成行釋奠禮牲用太牢樂用登歌製法服

三襲

元史成宗紀

至大二年春正月丙午定制

大成至聖文宣王春秋二丁釋奠用太牢

元史武宗紀

延祐三年秋七月詔春秋釋奠於

先聖以顏子曾子子思孟子配享

元史祭祀志

謹案宋史神宗元豐七年陸長愈請以充鄒二

公竝配享

聖廟。至度宗咸淳三年始升曾子子思竝配。自後江

南諸路學廟皆行之。是為四配之始。元循金舊

京師與河北諸路府學皆左顏右孟與

夫子竝居南面。至是以南北異禮。乃依宋制。升曾子

子思為四配竝列

夫子之左。而虛其右。隅以遊古者神位之方。迨文宗至順元年。復以

先師

父叔梁公。未加謚號。因褒封

聖父為啓聖王。竝加稱四子為復聖。顏子宗聖。曾子述聖。子思子亞聖。孟子之號。稱名允協。尤足見有元一代典章云。

六年二月丁亥朔日有食之。改釋奠於中丁。元史

仁宗  
紀

天曆二年秋七月辛巳遣使以上尊腊羊鈔十

錠至大都國子監助仲秋上丁釋奠

元史文  
宗紀

○釋奠儀附

前期一日晡時三獻官監祭官各具公服詣省  
牲所阼階東西嚮立以北為上少頃引贊者引  
三獻官監祭官巡牲一匝北嚮立以西為上待  
禮牲者折身曰充贊者曰告充畢禮牲者又折  
身曰膾贊者曰告膾畢贊者復引三獻官監祭

官詣神廚視滌漑畢。還齋所釋公服。

釋奠日丑前五刻。初獻官及兩廡分奠官二員。各具公服於幕次。執事者具儒服。先於神門外西序東嚮立。以北為上。明贊承傳贊。先詣殿庭前再拜畢。明贊升露階東南隅。西嚮立。承傳贊立於神門階東南隅。西嚮立。掌儀先引諸執事者各司其事。引贊者引初獻官兩廡分奠官點視陳設。引贊者進前。曰請點視陳設。至階曰升階。至殿簷下曰詣。

大成至聖文宣王神位前至位曰北嚮立點視畢曰

詣充國公神位前至位曰東嚮立

沂國公位同

點視

畢曰詣邲國公神位前至位曰西嚮立

鄒國公位同

點視畢曰詣東從祀神位前至位曰東嚮立點

視畢曰詣西從祀神位前至位曰西嚮立點視

畢曰詣酒尊所曰西嚮立點視畢曰詣三獻爵

洗位至階曰降階至位曰北嚮立點視畢曰詣

三獻官盥洗位至位曰北嚮立點視畢曰請就

次方初獻點視時引贊二人各引東西廡分奠

官曰請詣東西廡神位前。

東曰東西曰西

嚮立。點視畢。

曰詣先儒神位前。至位曰南嚮立。點視畢。曰退。

詣酒尊所。至酒尊所。

東

嚮立。點視畢。曰退。詣分

奠官洗爵位。至位曰南嚮立。點視畢。曰請就次。

兩廡分奠官點視畢。引贊曰請詣望瘞位。至位

曰北嚮立。點視畢。曰請就次。初獻官釋公服。司

鐘者擊鐘。初獻以下各服其服。齊班於幕次。掌

儀點視班齊。詣明贊報知。引禮者引監祭官監

禮官就位。進前曰請就位。至位曰就位。西嚮立。





唱曰。諸執事者各司其事。俟執事者立定。明贊  
唱曰。初獻官奠幣。引贊者進前曰。請詣盥洗位。  
盥洗之樂作。至位曰。北嚮立。搯笏。盥手。悅手。出  
笏。樂止。及階曰。升階。升殿之樂作。樂止。入門曰。  
詣。

大成至聖文宣王神位前。至位曰。就位。北嚮立。稍前。  
奠幣之樂作。搯笏。跪。三上香。奉幣者以幣授初  
獻。初獻受幣。奠訖。出笏。就拜興。平身。少退。再拜。  
鞠躬拜興。拜興。平身。曰。詣。充國公神位前。至位。

曰就位東嚮立奠幣如上儀

沂國公位同

曰詣廊國

公神位前至位曰就位西嚮立奠幣如上儀

郕國

公位同

樂止曰退復位及階降殿之樂作樂止至

位曰就位西嚮立竢立定明贊唱曰禮饌官進

俎奉俎之樂作乃進俎樂止進俎畢明贊唱曰

初獻官行禮引贊者進前曰請詣盥洗位盥洗

之樂作至位曰北嚮立搢笏盥手悅手出笏請

詣爵洗位至位曰北嚮立搢笏執爵滌爵拭爵

以爵授執事者如是者三出笏樂止曰請詣酒

尊所及階升殿之樂作。曰升階。樂止。至酒尊所。曰西嚮立。搯笏執爵。舉。司尊者酌。犧尊之泛。齊。以爵授執事者。如是者三。出笏曰詣。

大成至聖文宣王神位前。至位曰就位。北嚮立。酌獻之樂作。稍前搯笏跪。三上香。執爵三祭酒。奠爵。出笏。樂止。祝人東嚮跪。讀祝。祝在獻官之左。讀畢興。先詣左配位。南嚮立。引贊曰。就拜興平身。少退。再拜。鞠躬拜興。拜興平身。曰詣。充國公神位前。至位曰就位。東嚮立。酌獻之樂作。樂止。讀

祝如上儀

沂國公位同

曰詣廊國公神位前至位曰

就位西嚮立酌獻之樂作樂止讀祝如上儀

公位同曰退復位至階降殿之樂作樂止至位曰

就位西嚮立俟立定明贊唱曰亞獻官行禮引

贊者進前曰請詣盥洗位至位曰北嚮立搯笏

盥手悅手出笏請詣爵洗位至位曰北嚮立搯

笏執爵滌爵拭爵以爵授執事者如是者三出

笏請詣酒尊所曰西嚮立搯笏執爵舉幕司尊

者酌象尊之醴齊以爵授執事者如是者三出

笏曰詣

大成至聖文宣王神位前。至位曰就位。北嚮立酌獻之樂作。稍前。搢笏跪。三上香。執爵三祭酒。奠爵出笏就拜。興平身少退。鞠躬拜。興拜。興平身曰詣。充國公神位前。至位曰東嚮立酌獻如上儀。沂國公位同。曰詣。邲國公神位前。至位曰西嚮立酌獻如上儀。邲國公位同。樂止。曰退。復位及階曰降階。至位曰就位。西嚮立。明贊唱曰終獻。官行禮引贊者進前。曰請詣盥洗位。至位曰北嚮立。搢笏

盥手悅手出笏請詣爵洗位至位曰北嚮立搢  
笏執爵滌爵拭爵以爵授執事者如是者三出  
笏請詣酒尊所至階曰升階至酒尊所曰西嚮  
立搢笏執爵舉畧司尊者酌象尊之醴齊以爵  
授執事者如是者三出笏曰詣

大成至聖文宣王神位前。至位曰就位北嚮立稍前  
酌獻之樂作搢笏跪三上香執爵三祭酒奠爵  
出笏就拜興平身。少退鞠躬拜興拜興平身曰  
詣充國公神位前。至位曰東嚮立酌獻如上儀

沂國公曰詣邾國公神位前至位曰西嚮立酌

獻如上儀邾國公位同樂止曰退復位及階曰降階

至位曰就位西嚮立俟終獻將升階明贊唱曰

分獻官行禮引贊者分引東西從祀分獻官進

前曰詣盥洗位至位曰北嚮立搯笏盥手悅手

出笏詣爵洗位至位曰北嚮立搯笏執爵滌爵

拭爵以爵授執事者出笏詣酒尊所至階曰升

階至酒尊所曰西嚮立搯笏執爵舉畢司尊者

酌象尊之醴齊以爵授執事者出笏詣東從祀



神位前至位曰就位東嚮立稍前搢笏跪三上

香執爵三祭酒奠爵出笏就拜興平身少退鞠

躬拜興拜興平身退復位至階曰降階至位曰

就位西嚮立引西從祀分獻官同上儀惟至神

位前西嚮立。誥十哲分獻官離位明贊唱曰兩

廡分奠官行禮引贊者進前曰詣盥洗位至位

曰南嚮立搢笏盥手悅手出笏詣爵洗位至位

曰南嚮立搢笏執爵滌爵拭爵以爵授執事者

出笏曰詣東廡酒尊所及階曰升階至酒尊所

曰北嚮立。搢笏執爵舉。酌象尊之醴。齊以爵授執事者。出笏詣東廡神位前。至位曰東嚮立。稍前搢笏跪。三上香。執爵三祭酒。奠爵出笏就拜。興平身。稍退。鞠躬拜。興拜。興平身。退復位。至階曰降階。至位曰就位。西嚮立。引西廡分奠。官同上儀。惟至神位前西嚮立。俟終獻。十哲兩廡分奠。官同時復位。明贊唱曰禮饌者徹。籩豆徹。豆之樂作。禮饌者跪移。

先聖前籩豆略離席。樂止。明贊唱曰諸執事者退復

位。蒞諸執事至版位立定。送神之樂作。明贊唱曰。初獻官以下皆再拜。承傳贊曰。鞠躬拜興。拜興。平身。樂止。明贊唱曰。祝人取祝幣。人取幣詣瘞坎。蒞徹祝幣者出殿門。北嚮立。望瘞之樂作。明贊唱曰。三獻官詣望瘞位。引贊者進前曰。請詣望瘞位。至位曰。就位。北嚮立。曰。可瘞埋。畢曰。退復位。至殿庭前候樂止。明贊唱曰。典樂官以樂工出就位。明贊唱曰。闔戶。又唱曰。初獻官以下退詣圓揖位。引贊者引獻官退詣圓揖位。至

位。初獻在西。亞終獻及分獻以下在東。陪位官東班在東。西班在西。竝立定。明贊唱曰。圖揖禮畢。退復位。引贊者各引獻官詣幕次更衣。其飲福受胙。除國學外。諸處仍依常制。

元史祭祀志

謹案元釋奠儀亦因唐宋之舊而加詳。其奠幣酌獻各先行三上香。則所新增者。奠幣後加進俎而後酌獻。此則參用唐禮而與宋異。唐無分獻。宋則亞獻將升。引分奠官行禮。茲則竝終獻將升。始引分獻行禮。又其稍異。唐初獻行禮畢。

即飲福受胙。亞終獻行禮畢，各飲福而不受胙。宋則三獻行禮畢，初獻復升飲福受胙。亞終獻無之。茲獨未詳飲福受胙之儀，其亦仍宋之舊。與至於省牲之告，充膾各官之點視，陳設等禮數則同，而文有繁簡焉耳。

明

永樂元年八月遣官釋奠，仍改稱國子監。

孔子廟

春明夢餘錄

謹案明初釋奠

孔子於國學。皆以在應天者言也。至是始以北平府學為國子監。所云遣官釋奠者。即北京國子監也。

成化十三年閏二月丁丑。釋奠初用八佾。邊豆各十二。上同

謹案時祭酒周洪謨奏請加

孔子封號服冕十二旒。衣十二章。十邊十豆。各增為十二。六佾之舞。增為八佾之舞。命禮官議尚書。鄒幹言。洪武中新建南京太學。止用神主。不設

塑像。今北監所有塑像皆因元舊而遷。豆、佾、舞之數則祖宗斟酌已有定式。俱當仍舊。九月洪謨又言從之。

嘉靖九年。從大學士張璁言。釐正祀典。更定

先師廟。遷豆、樂、舞之數。

明會典

十年。國子監建

啓聖公祠。成。從尚書李時言。春秋祭祀與

文廟同日。遷豆、牲、帛、視、四配、東西配、位、視、十哲。從祀先儒親兩廡。輔臣代祭。

文廟則祭酒祭

啓聖祠

明史禮志

十五年八月丁祭祭

啓聖公以學士張壁行禮

學典

謹案時祭酒呂柟司業童承叙皆期服故也

二十二年定

孔廟陪祭之制

同上

謹案時禮部祠祭司言舊規每歲丁祭除文官五品以上陪祀外六品以下官原無陪祀之例



但崇報

先師之誠不能自己。每先一日俱具錦繡服。至廟謁拜畢各回。此例相仍既久。至嘉靖九年二月。梁喬升奏准。六品以下序拜於陪祀官之後。已經遵行一次。但六品以下官員數多。一時俱赴

先師廟行禮。混列於陪祀官後。紛擾喧雜。不無褻慢。况各官員無祭牌祭服。尤非事體之宜。應仍舊規。令丁祭六品以下官。先期一日陸續赴廟展拜。以伸尊。

師之義。拜畢即回。其文官五品以上六科都給事。照例具服陪祀。著為定例。從之。自是六品以下官皆先日謁廟。免陪祀。

萬曆元年二月遣大學士李調陽祭

先師孔子。上服皮弁服。升皇極殿。奉香授三獻官。捧由中陞降中道。出至午門。置龍亭內。儀佐鼓吹。導引至廟。學行禮。同上

二十三年定每歲仲春秋上丁日。御殿傳制。遣大臣祭。

先師及配位其十哲以翰林院官兩廡以國子監官

各二員分獻

明史禮志

崇禎十四年八月行親詣釋奠禮

學典

謹案是時莊烈帝命行釋奠禮消吉得八月十四日適為丁巳為仲秋丁祭之期帝命丁祭仍遣官行禮改親詣釋奠日於辛酉

○嘉靖釋奠儀

附

前期三日不飲酒不茹葷不弔喪不問病不聽音樂不理刑名散齋二日沐浴更衣宿于別室

致齋一日。宿于祭所。正獻官分獻官舊皆宿于持敬門內致齋所。監禮等官宿於退省號。及是正獻宿于東廂之後廳。分獻宿于廂後之東西房。監禮御史宿于典籍廳。陪祀各衙門堂官宿于明道堂。先祭日五鼓。正獻官承制陞辭。輔臣則司業候迎。吏禮部尚書。則監丞候迎。俱于左順門。及至監。祭酒率屬官候迎于持敬門外。禮生導引至致齋所。候發祝版省牲畢。詣彝倫堂演禮。退食于後堂。畢乃各詣齋宿所。傳制前一

日陳設如常儀次日各官具朝服於丹墀北面立。皇帝御華蓋殿。具皮弁服。鐘聲止。執事官行一拜叩頭禮訖。儀制司跪奏請陞殿。樂作陞殿樂止。捲簾。鳴鞭。訖。唱排班。班齊。百官一拜叩頭。畢。分東西立。引禮引獻官詣拜位。贊四拜平身。傳制官詣御前跪奏傳制。俯伏興。由東門靠東出。至丹階東西嚮立。稱有制。唱跪。宣制曰。某年月日祭。

至聖先師孔子命卿行禮。贊俯伏興。樂作四拜樂止。

禮畢遣官前一日沐浴更衣處于齋宮次日還宮永樂以前遣國子監祭酒宣德正統時間遣翰林院官及是遣輔臣及吏禮部尚書十哲分獻翰林院官二員兩廡分獻國子監官二員提調太常寺堂官一員禮部祠祭司官一員監禮監察御史二員引班鴻臚寺官二員贊禮并樂舞執事太常寺官生一百二十員名前期一日太常寺官設香案一燭二於宰牲所獻官分獻官監禮官同詣牲所贊唱省牲畢庖人宰牲正

日三更。導引官引獻官并兩哲廡分獻官由廟左門入。典儀唱樂舞生就位。執事者各司其事。次唱陪祭官各就位。次唱分獻官各就位。次唱獻官就位。贊引引獻官至拜位。典儀唱瘞毛血。執事者以毛血瘞于坎。遂啓牲匣蓋。典儀唱迎神奏樂。典儀唱鞠躬拜興。拜興。拜興。平身。獻官陪祭官各四拜訖。樂止。典儀唱奠帛。行初獻禮。執事者各捧帛執爵詣各神位前。贊引引獻官唱升壇。由露臺東級上。至廟左門入奏樂。

贊引唱詣

至聖先師孔子神位前。奏樂。贊引導獻官至神位前。  
贊引唱跪。搢笏。捧帛者轉身西嚮跪。進帛於獻  
官右。獻官接帛。贊唱奠帛。獻官進奠帛於神位  
前案上。執爵者轉身西嚮跪。進爵於獻官右。獻  
官接爵。贊唱獻爵。獻官獻爵於神位前案上。退  
贊唱出笏。獻官跪出笏。贊唱詣讀祝位。贊引引  
獻官至讀祝位。讀祝官跪取祝文。退立於獻官  
之左。贊唱跪。獻官讀祝官皆跪。典儀唱衆官皆



跪陪祭官俱跪樂止贊引唱讀祝讀祝官讀訖  
仍將祝文跪置於香案上退西朝上立奏樂贊  
引與典儀同唱俯伏興平身贊引唱詣復聖顏  
子神位前導獻官至神位前贊唱跪拈笏捧帛  
者跪進帛於獻官右獻官接帛贊唱奠帛獻官  
奠帛於神位前案上執爵者跪進爵於獻官右  
獻官接訖贊唱獻爵獻官獻爵於神位前贊唱  
出笏獻官跪出笏次詣宗聖曾子神位前次詣  
述聖子思子神位前次詣亞聖孟子神位前儀

均同前。此時分獻官於十哲兩廡一同行禮訖。贊引唱復位。導獻官至原拜位立。樂止。典儀唱行亞獻禮。奏樂儀同初獻。樂止。典儀唱行終獻禮。奏樂儀同亞獻。樂止。捧福酒者捧酒。捧福胙者捧胙。各立於神位前案之東。典儀唱飲福受胙。贊引唱詣飲福位。導獻官至飲福位。唱跪。搢笏。捧福酒者跪進於獻官右。贊唱飲福酒。獻官接酒飲訖。捧福酒者接爵。捧福胙者跪進於獻官右。贊唱受胙。獻官受胙訖。捧福胙者接胙。由

中道捧出贊唱出笏。俯伏興平身。復位贊引導。獻官仍至原拜位。典儀唱鞠躬拜興拜興平身。獻官陪祭官同二拜訖。典儀唱徹饌奏樂。執爵者各於神位案上將籩豆一楪跪舉一舉訖待執事者回於原位樂止。典儀唱送神奏樂。鞠躬拜興拜興拜興拜興平身。獻官陪祀官同四拜訖。樂止。典儀唱讀祝官捧祝。掌祭官捧帛饌共詣瘞位。執事者各詣神位前讀祝者先跪取祝文餘各跪取帛饌。以次由中門出。典儀唱望瘞。

奏樂。執事者各捧祝文帛饌往瘞所。贊引唱詣望瘞位。導獻官至瘞所待焚帛訖。贊引典儀同唱禮畢。明太學志

○分獻儀 附

十哲兩廡四處。每處分獻官一員。捧帛執事者各先詣神位前。候殿上贊引唱詣述聖子思子神位前。典儀隨唱行分獻禮。諸贊引各詣分獻官前引導行禮。分獻東西哲由露臺東級上。各分東西廟門入。分獻東西廡各從東西墀階級

上及門。分獻官各立定。候殿上贊唱詣亞聖孟  
子神位前畢。各贊引唱詣東哲先賢神位前。詣  
西哲先賢神位前。詣東廡先賢神位前。詣西廡  
先賢神位前。分獻官各至神位前。贊唱跪。搢笏。  
捧帛者跪進帛於分獻官右。分獻官接帛贊唱。  
奠帛。分獻官奠帛於神位前案上。執爵者跪進  
爵於分獻官右。分獻官接爵。贊唱獻爵。分獻官  
獻爵於神位前。贊唱出笏。分獻官跪出笏。贊唱  
復位。引分獻官隨獻官同至神位前。儀同初獻。

終獻儀同亞獻。  
上同。

啓聖祠儀 附

正祭日。三更。典儀唱執事官各司其事。分獻官各就位。導引引獻官至盥洗所。贊詣盥洗所。贊搯笏。盥手訖。贊出笏。引至拜位。贊就位。典儀唱迎神。贊四拜。分獻官同四拜。典儀唱奠帛。行初獻禮。執事官各捧帛爵。進立於神位前。贊升壇。

贊詣

啓聖公孔氏之位前贊引贊指笏執事官以帛跪進於獻官贊奠帛執事官以爵跪進於獻官贊獻爵贊出笏贊詣讀祝位讀祝官取祝跪於獻官爵贊出笏贊詣讀祝位讀祝官取祝跪於獻官左贊跪贊讀祝讀訖贊俯伏興平身讀祝官捧祝進於神位前贊詣先賢顏氏之位前贊指笏執事官以帛跪進於獻官贊奠帛執事官以爵跪進於獻官贊獻爵贊出笏贊詣先賢曾氏之位前贊詣先賢孔氏之位前贊詣先賢孟孫氏之位前俱同前禮贊復位典儀唱行亞獻禮執

事官各捧爵。自獻於神位前訖。典儀唱行終獻。禮儀同。亞獻。典儀唱徹饌。執事官詣神位前徹饌訖。典儀唱送神。贊引贊四拜。分獻官同四拜。典儀唱讀祝官捧祝。掌祭官捧帛饌。各詣瘞位。典儀唱望瘞。執事官各捧祝帛饌由中門出。至望瘞所。贊引贊詣望瘞位。禮畢。同上

○頒胙附

前期五日。繩愆廳派委監生二百餘名。分訪六部九卿大小衙門官員所寓。次日送廳登錄。祭



畢。陳設禮生。將各殿廡犧牲祭品查驗呈廳本  
監仍委官四員兼理。即令原訪監生分送取其  
速也。同上

國子監志卷二十八

禮志四

釋菜

順治元年。定月朔行釋菜禮。設酒芹棗栗。祭酒於

先師位及四配位前三獻。東西哲廡位前。以監丞博

士等官分獻。次詣

啓聖祠。

今改崇聖祠。

行禮。分獻官亦隨行禮。十五日。司

業。上香。與朔日同。

謹案舊制。每月朔望。堂上官率屬赴後殿及土地祠行禮。今惟正月行之。餘俱派監丞博士助教等員於

崇聖祠行禮。助教一員。於土地祠行禮。又東西哲向。以監丞博士分獻。今博士助教等官輪派。監丞不與焉。

○釋菜儀注

是日清晨。主獻祭酒。及隨班行禮之祭酒司業。俱詣致齋所。更朝服。贊引導。由東角門入。監丞。

博士。八旗官學助教。六堂助教學正。學錄等官。  
八旗官學教習。暨肄業貢監生。皆從詣階下。通  
贊贊排班。班齊。贊跪叩興。行三跪九叩禮畢。贊  
引導詣盥洗所。盥手悅手。再詣酒罇所。司罇者  
舉罇酌酒。執爵者由中道上。贊引導祭酒由東  
階升。從殿左門入。贊引贊詣

至聖先師神位前。一跪一叩興。獻三爵。一跪三叩興。

階下俱隨  
班行禮。

贊引贊詣復聖顏子宗聖曾子述聖  
子思子亞聖孟子位前。各行三獻禮。如正位儀。

十二哲兩廡分獻官俱蒞祭酒詣亞聖位前時  
各贊引引詣神位前行禮如四配儀畢贊引導  
各官由殿右門出下西階復位通贊贊跪叩興  
祭酒及各官行三跪九叩禮興贊禮畢導由西  
角門出。

崇聖祠主獻分獻與前殿儀同翌日上香司業詣  
致齋所更朝服儀如月朔不獻爵

謹案元日各官

朝賀次日釋菜餘月朔望如遇

壇

廟大祀。堂上官均與陪祀。則派監丞等率八旗教習六堂諸生。在階下行三跪九叩禮。不獻爵。不上香。

○釋菜執事員數

朔望行禮。

大成殿

崇聖祠糾儀官二員。博士助教等官充之。

朔日釋菜。

大成殿侍班二名。通贊四名。正引哲引廡引各四

名正位司罇一名東西哲司罇二名東西廡司罇二名正位司爵三名四配司爵八名東西哲司爵六名兩廡司爵四名

崇聖祠侍班二名通贊正引配引廡引各二名正位司罇一名東西廡司罇各一名正位司爵五名配位司爵二名東西廡司爵各一名聖日上香無司爵改司罇為司香

謹案康熙二十四年議准每月朔暨

文廟行釋菜禮於各項監生內選取容止端莊聲音

明亮者十名。充禮生。裸獻贊禮。二十九年停止。以教習帶管。今用本監內班肄業生。

○釋菜事宜

朔日釋菜。應用香燭酒果。翌日上香。應用香燭等項。均前期行文太常寺。給發關領。至期陳設。屆期清晨。由神庫點取應用獻爵等器。敬謹洗滌備用。朔望日均於

大成殿階墀下甬道中。鋪設椶毯。分三班前祭酒司業。次分獻官。次隨班行禮官。其八旗教習及



六堂肄業生分東西二班有琉球官生時亦隨該學教習附於肄業生之次行禮

崇聖祠亦鋪設階墀之下不分班

以上典簿承辦

其執事

各生由六堂先期揀選開送照例分派立執事名冊一本拜

廟名冊一本令諸生各赴持敬門畫到不到者查

明記過

以上監丞承辦

謹案現行朔望禮儀前後殿分獻侍班糾儀等員均於博士助教學正學錄典簿典籍內輪充

監丞有稽查執事諸生之責。止隨班行禮。

附

元

中統二年詔

宣聖廟月朔釋奠。

元史世祖紀

謹案月朔釋奠即釋菜也。攷今國子監

先師廟成於成宗大德十年。則此事應在南城國子學。有元詳於釋奠。而釋菜無聞。故錄此以備一代之制。又案元史選舉志侍儀舍人於上中齊

舉禮儀習熟。曾掌春秋釋奠。每月告朔。明贊衆  
與其能者充之。蓋今所為月朔釋菜者。元時又  
謂之告朔也。

明

成化二十二年。二月朔。當釋菜。值上丁。令以次

日釋菜。

明會  
典

嘉靖九年。釐正祀典。罷內臣降香。

同上

謹案。明初。每月朔。聖遣內臣於

先師廟降香。至是始罷。

萬曆二十三年。定每月朔行釋菜禮。明史禮志

又公侯駙馬伯及戚畹子弟初入監之日。謁

先師廟行釋菜禮。用兔醢果酒香燭。陳設如常儀。各

爵列班於廟墀。禮生贊行四拜禮。班首上殿獻

爵如常儀。復位又行四拜禮。監生初入監赴

先師廟報名。廟中禮生贊謁。

先師行四拜。明太學志

謹案以上二條。別於朔日釋菜。即古始入學釋

菜之意也。附識以備參考。

○明朔日釋菜儀

每月朔祭酒率分獻官暨各屬官監生行禮分獻官以監丞博士助教學正學錄為之前期一日遣屬官一員率廟戶赴太常寺關領祭品其日清晨執事者各司其事分獻官各官分列于櫺星門內監生排班于廟門內。俟獻官至通贊唱排班獻官以下各就位通贊唱班齊開戶鞠躬拜興拜興平身引贊詣獻官前唱詣盥洗所獻官盥手悅手訖引贊唱詣酒罇所司罇者舉

畢酌酒訖引贊唱詣

至聖先師孔子前跪獻爵俯伏興平身

執事者  
並同

引贊

唱詣復聖顏子宗聖曾子述聖子思子亞聖孟子前儀竝同十哲兩廡分獻官一同行禮畢引贊同唱復位導獻官分獻官至原拜位立通贊唱鞠躬拜興拜興平身闔戶禮畢

同上

○明聖日行香儀

是日清晨監丞暨闔屬官分列于櫺星門內監生排班于廟門內候祭酒司業至通贊唱排班

班齊闈戶唱鞠躬拜興拜興拜興拜興平身闈  
戶唱禮畢退上同

國子監志卷二十九

禮志五

釋褐

順治二年。定每科新進士臚唱後。擇吉日。狀元率諸進士詣廟釋褐。先行釋菜禮。

先師孔子及四配。以一甲第一名主獻。東西哲位。以一甲第二。名。第三。名分獻。東西廡。以二甲第一名。三甲第一名。各分獻。諸進士俱隨班行禮。禮畢。釋褐。更補服。詣彝倫堂。簪花飲酒。如儀。



謹案一甲三名已經授職各服頂帶掛朝珠二  
三甲進士均常服素金頂行禮又案乾隆十年  
定繙譯進士照文進士例謁

先師廟行釋褐禮

○釋褐儀注

是日清晨狀元率諸進士至集賢門外下馬入  
持敬門詣致齋所贊引導由東角門入詣殿階  
下通贊贊排班班齊贊就位行謁見禮贊跪叩  
興三跪九叩畢通贊贊行釋菜禮禮畢由西角

門出詣致齋所神庫前釋褐候祭酒司業朝服升堂諸進士由太學左門入至階下序立曾入監者升露臺四拜起立臺西未入監者露臺下兩拜祭酒司業俱坐受禮畢一甲三名由堂東門入執事者設食案於座前祭酒司業下座面南立一甲三名面北立執事者簪花斟酒一甲三名向上揖飲酒三爵出祭酒司業送至堂門內諸進士由堂西門入本監屬官接待簪花飲酒如儀畢送出堂簷下

○釋褐事宜

新進士釋褐先准禮部知會日期到監本監典簿具稿行文戶部移取花紅香燭酒果銀十五兩照例備辦屆期陳設與朔日同

附

元

中選進士賜恩榮宴于翰林國史院擇日詣

先聖廟行舍菜禮第一人具祝文行事

元史選舉志

明

萬曆二十三年。定每科進士行釋菜禮。先日太常寺備祭品。兔醢棗栗蔬酒香燭于殿廡。

神位前。是日清晨。狀元率諸進士行四拜禮。其中服每襲巾一如唐制。袍一。用玉色羅為之。木笏一。

靴一。布襪一。俱貯藏。用所放榜前三日。各赴監關領釋菜。畢乃解巾袍服。官服謂之釋褐。巾袍

等送至監驗收。

明史禮志

崇禎十三年。命將下第舉人與廷試進士史惇等一百六十三人。盡留特用。於是惇等上疏請

援進士例謁

文廟行釋菜禮閣臣張四知以為不可上命如所請

日下  
舊聞

國子監志卷三十

禮志六

告祭

康熙五十一年

詔升配朱子于

大成殿為十一哲

遣官至國子監告祭

先師孔子及朱子位前

謹案朱子神位既改稱先賢升配殿上其舊供

先儒神牌移奉

御書樓中

雍正元年

詔封

孔子先世五代為王

遣大臣至國子監告祭

世宗憲皇帝御製追封

孔子五代告祭

聖廟文

道尊往聖。宜錫類以推恩。牒溯前徽。乃緣情而制禮。絲綸聿賁。俎豆維新。仰維

先師孔子。拱合乾坤。名高日月。纂修刪定。煥六籍之文明。祖述憲章。樹百王之儀範。朕夙承

庭訓。嚮往實深。誕紹丕基。欽崇彌切。惟德全而業盛。知積厚而流光。爰命廷臣。式稽譜系。詒謀式穀。洵篤慶於一門。毓秀鍾靈。宜上追於五代。竝躋祀典。特晉王封體

皇考敬師之心宏



先聖顯親之孝於戲金聲玉振集古今之大成木本  
水源享丞嘗之美報靈其不昧尚克來歆

乾隆二年

詔國子監

文廟易用黃瓦

遣官告祭

先師孔子

三年

詔升配有子于

大成殿為十二哲。

遣大學士至國子監告祭。

先師孔子及有子位前。

三十二年。

詔大修國子監。

先師廟。

遣大學士告祭。

三十四年。

先師廟工成安奉。

神位。

遣大學士告祭。

○  
告祭儀注

是日五鼓。承祭官豫蒞于持敬門內齋所。贊引太常寺贊禮二人。蒞于門內。均朝服質明。引承祭官自

大成門左側門入。盥手就位。上香。讀祝。行三獻禮。升降進退。均與春秋丁祭。

遣官禮同。

○  
告祭事宜

遣官暨執事官均致齋一日。豫期太常寺設案一于大成殿內正中。少西北嚮翰林院具祝文。太常寺卿送內閣恭書受而供諸

殿內案上行禮如儀。屆期

先師位前陳鹿脯鹿醢兔醢榛栗葡萄桃實蓮實。鑪  
鍤具。設案于東。陳禮神制帛一。色香盤一。尊一。

爵三。太常寺司祝一人立于案西東面。司香司帛司爵各一人立于案東西面。設洗于階下之東。

謹案告祭之禮。即古始立學之祭也。漢世雖立學。而斯禮無聞。三國魏正始中。以講經通使太常釋奠。

孔子。是為遣官祭告辟雍之始。其後北魏有告謚之典。開元有冊贈之文。竝令公卿持節奠祭。見于史傳。自宋及元。衰封崇祀。典禮不絕。而告祭無

明文明。洪武十五年。太學易塑像為木主。遣禮臣以太牢祭。成化十三年。增籩豆十二。舞八佾。遣商輅告祭。隆慶五年。以薛瑄從祀。遣祭酒馬自強告祭。亦雜見于紀載。而正史不書。

國朝著為令典。儀制加詳。凡追崇升祔。釐正典禮。及建修落成。竝

遣官告祭。儀與春秋釋奠同。所以妥神明者至矣。惟雍正二年七年。

世宗憲皇帝親詣告祭。恭載本志

親詣釋奠謹識。